

Ilanngussaq 4



Inatsisartut Aningaasaqarnermut Ataatsimiititaliaat
Inatsisartut Sanaartornermut Ataatsimiititaliaat
/maani

11/10-2018 ataatsimiinnermi apeqqutinut akissuteqaatinut ilassut

24-10-2018

Sullap nr.: 2017 - 24538

Dok. nr. 34568747

Asasakka Ataatsimiititaliami ilaasortat,

Postboks 909

3900 Nuuk

Tlf.: (+299) 34 50 00

E-mail: box909@nanoq.gl

Fax: (+299) 34 63 56

www.naalakkersuisut.gl

Siullermik Nuummi aamma Ilulissani nunanit tamalaanit mittarfiit kiisalu Qaqortumi nunap immikkoortuani mittarfiup sananeqarnissaannut, ingerlanneqarnissaannut aningaasalersorneqarnissaannullu killiliussatut piumasaqaatit pillugit Inatsisartut inatsisaat nr. xx, xx. xxx 2018-imeersumut allannguutissatut siunnersuutip inatsisit teknikkitaannut tunngatillugu saqqummiunnissaanut periarfissinneqarama qujavunga.

Ataatsimiinnermi apeqquteqartoqarpoq, taakkualu matumani allakkatigut akissuteqarfigissavakka.

Periarfissatut ilusiliaq aallaaviusoq naatsorsukkani nutaani sooq allangortinneqannigila?

Akissut: Periarfissatut ilusiliaq aallaaviusumut nassuiaat tassaavoq, attaveqaqatigiinnerup ullumikkut atuuttup ingerlatiinnarnissaa. Tamanna isumaqarpoq, timmisartuuseriaaseq tunngaviusoq allangussanngitsoq. Tassunga ilanngutissaaq periarfissatut ilusiliaq aallaaviusumiimmat aningaasaleeqqinnissaaq pisariaqartoq, attaveqaqatigiinnerup allannguuteqannginnerani pisussaaq – ilanngullugu Kangerlussuarmi aningaasaleeqqinnissaaq.

Periarfissat allat misissorneqassappata, tamanna periarfissatut ilusilianik allanik nutaanik kinguneqassaaq, aammalu periarfissatut ilusiliaq aallaaviusoq allangortinneqassanani.

Periaaseqarluni aallaaveqarnermi tassani Aningaasaqarnermut Naalakkersuisoqarfiup aamma Finansministereqarfiup inuiaqatigiit aningaasaqarnerannut sunniutaasussanik nalilersuinerneq suliaqarnermi ilitsersuutaat malinneqarput.

Pissarsiassanik Naalagaaffiup avitseqatigineranit, taarsigassarsiat akisunerusut erniaannik akiliinissaaq akikinnerussanngila?

Akissut: Takuuk apeqqummut akissuteqaat matuma kingulianiittoq.

Ernialiussaaq nalinginnaasoq 2%-iusoq, sooq taarsigassarsiat 4%-imik erniaqarnissaaq naatsorsuutigineqarpa

Akissut: Danskit suliassani akuulernissaaq sioqqullugu, Kalaallit Airports A/S-ip Naalakkersuisunut paasissutissiisutigaq, taarsigassarsinissaaq ukiuni 25-ini akilersorneqartussanngorlugu annertoqqatigiinnik akilersugassanik 4%-imik aalajangersimasumik erniaqartunik taarsigassarsinissaaq aalajangersarneqarsimasooq.

4%-imik erniaqartitsinissamik aalajangersaaneq, mianersornissamut tunngaviusoq aallaavigalugu Kalaallit Airports A/S-imi aalajangersarneqarpoq. Ernialiussaq piaaraluni qaffasissumut inissinneqarpoq, Kalaallit Airports A/S-ip ingerlatsinermut ilusiliinerata attanneqarsinnaanera paasinarsisinniarlugu. Kalaallit Airports A/S-ip akiitsut 4%-imik erniaqartillugit suliaqarfignissappagit, ingerlatsinermut ilusiliineq sinneqartooruteqarfiussasoq paasinarsisimavoq, takuuk ingerlatsinissamut aningaasalersuinissamullu pilersaarut. Mianersornissamut tunngaviusoq, inuiaqatigiit aningaasaqarnerannut sunniutaasussanik nalilersuinermi alloriarneq 2-mi ilaasut tunngaviusussat il.il. appasissumik inissinneqarnerattut isiginnilluni, inissinneqarpoq.

Taarsigassarsiat nutaat ukiuni 20-ni akilersugassaasussaapput, tamatumalu kingunerisaanik taarsigassarsiat, Kalaallit Airports A/S-ip ingerlatsinissamut aningaasalersuinissamullu pilersaarutigeqqaagaani naatsorsuutigineqartunit, sukkanerusumik akilersorneqassapput. Sukkanerusumik akilersuinermi Kalaallit Airports A/S aningaasaqarnikkut patajaassuseqarnerulersitsinissamut periarfissinneqassaaq, tassami taarsigassarsiarineqartussat 0,7 mia. koruuninik annikillisinneqarnerisa malitsigisaanik, taarsigassarsianit aningaasalersuinermit akiligassat tamarmiusut affaannangortinneqapajaartussaammata kiisalu ernialiussaq agguaqatigiissillugu annertuumik appartussaalluni.

Periarfissatut ilusiliaq 2-mi Kangerlussuarmi mittarfik 1500 meteriutillugu, Kangerlussuarmi Mittarfimmu ilaasut qanoq amerlassusillit naatsorsuinermit ilaatinneqarpat ?

Akissut: Ataatsimiititaliamut siusinnerusukkut nalunaarusiaq "Kangerlussuarmi mittarfiup siunissaa pillugu periarfissatut ilusiliat tallimat" tunniunneqareerpoq. "Angallannerup ineriartornissaanut naatsorsuutigineqartut" pillugit kapitali 5 innersuussutigineqarpoq.

Nalunaarusiaq Inatsisartut Aningaasaqarnermit Akileraartarnermullu Ataatsimiititaliaanut aamma Inatsisartut Sanaartornermit Ataatsimiititaliaanut ulloq 16. juli 2018 nassiunneqarpoq.

Ilaasunut tunngaviusussanut tunngavigineqartut uani issuarneqarput (Kangerlussuarmi mittarfiup siunissaa pillugu periarfissatut ilusiliat tallimat, qupperneq 18):
"Periarfissatut ilusiliani tamaginni naatsorsuutigineqartutut Imapikkoorlutik ilaasut tamarmik Nuummumut aamma Ilulissanut nuutinneqarpat, Kangerlussuarmi ilaasut tamarmik 2022-imi siumut utimullu ilaasunut 10.000 missaannut imaluunniit siumuinnaq angalasunut 20.000-it missaannut ikilisussaapput. Taamaallilluni maannakkut ilaasunut kisitsisit 6%-iisa missaat kisimik Kangerlussuarmi Mittarfimmi kisinngoruttussaapput. Ilaasut 20.000 missaanniittut taakkua tassaasussaapput takornariat, najukkamiit angalasut kiisalu allat, ilanngullugit ilisimatusarnernik ingerlataqarnermut atatillugu angalasut."

"Qeqqata Kommunianit immikkut sulianik ingerlatitsineq malillugu Kangerlussuarmi akunnittarfimmi unnuisut 17.300-it Naatsorsueqqissaartarfiup 2016-imi nalunaarsorsimavai. Taakkunanga 10.100-it kalaaliupput aammalu 7.200-it Danmarkimeersuullutik, Islandimeersuullutik nunanillu allaneersuullutik. Naatsorsuutigineqarpoq takornariat Kalaallit Nunaanneersut, Danmarkimeersut aamma nunanit allaneersut amerlasuut, Imapikkut angallannermit timmisartumut akigitit akikinnerat pissutigalugu, ullumikkut Kangerlussuarmukartartut – Imapikkoorluni angallavik Nuummumut aamma Ilulissanut nuutinneqarpat, angallanneq taanna atuukkunnartussaavoq. Taamaattumik takornarianut kisitsisit annikillissussaapput."

Naatsorsuinerni tamatuma kingulianiittuni naatsorsuutigineqarpoq, takornariat Kalaallit Nunaanneersut taamatullu nunanit allaneersut 8.500 missaannut imaluunniit ilaasut tikittussat aallartussallu 17.000-inut affaannanngortussaasut.”

Nalunaarusiamit eqikkaaneq matuma kinguliani issuarneqarpoq:

	Periarfissatut ilusiliaq 1: Mittarfik 2.810 m.	Periarfissatut ilusiliaq 2: Mittarfik 2.200 m.	Periarfissatut ilusiliaq 3: Mittarfik 1.500 m.	Periarfissatut ilusiliaq 4: Mittarfik 1.199 m.	Periarfissatut ilusiliaq 5: Mittarfik 799 m.
Ilaasut Danmarkimeersut, Kalaallit Nunaanneersut aamma nunanit allaneersut	17.000	17.000	17.000	17.000	17.000
SFJ-imi najugaqartut angallannerat	2.500	2.500	2.500	2.500	2.500
Ilisimatusarneq il.il.	500	500	500	500	500
Umiarsuarmik sinersortaammik ilaasut	7.000	7.000			
Katillugit	27.000	27.000	20.000	20.000	20.000

Naalagaaffimmut isumaqatigiissutip mittarfinni nutaani taakkunani imminut akilersinnaassutsimut qanoq sunniiva – qanoq sukkatigisumik sinneqartooruteqarfiussappat?

Akissut: Aallaqqaammut Kalaallit Airports A/S naatsorsuutini amigartooruteqartussaavoq, kisianni ulloq 1 aallarnerfigalugu sinneqartoorfiusumik aningaasaateqartussaalluni. Nuummi mittarfik assersuutigalugu ulloq siullem aallarnerfigalugu sinneqartooruteqarfiussasoq naatsorsuutigineqarpoq. Tamanna aamma danskit tapersiinissaasa piviusunngornissaa sioqqullugu taamaappoq. Ataatsimut isigalugu Kalaallit Airports A/S-imi aningaasat ingerlaarnerat 2024-imiit sinneqartoorfiussasoq naatsorsuutigineqarpoq.

Inatsit manna akuerineqassappat Aningaasanut inatsimmi oqaasertaliussinissaq pisariaqassua aammalu inatsit akuerineqaraluartoq oqaasertaliussat suut Aningaasanut inatsimmiissappat?

Akissut: Naalakkersuisut naliliinerat malillugu oqaasertaliussat suli naleqquttussaapput. Inatsisartut sanaartornissamut inatsit pillugu inaarutaasumik aalajangiinerat ilisimaneqalerpat, oqaasertaliussat ingerlateqqinneqarnissaannik imaluunniit iluarsineqarnissaannik pisariaqartitsinermut isummernissaq Naalakkersuisut naatsorsuutigaat.

Naalakkersuisut qanoq pisoqaraluarpuunniit, danskisoortaanni kalaallisoortaannilu oqaatsitigut assigiinngissutillit annikitsut iluarsinissaat siunertaralugu, AIS19-imi

oqaasertaliussanut allannguutissatut siunnersuutinik saqqummiussinissaq naatsorsuutigaat. Taamatutaaq AI2018-imi taamatut pisoqarneranik iluarsiinissaq siunertaralugu Aningaasaqarnermut Akileraartarnermullu Ataatsimiititaliamut ilassutitut aningaasaliinissamut qinnuteqaammik nassiussisoqassaaq.

Aktiaatilinnut isumaqatigiissut, taassuma suli isumaqatiginninniutigineqarsimannginneranut atatillugu, qanoq inuiaqatigiit aningaasaqarneranni naatsorsuinernut sunniissava.

Akissut: Aktiaatilinnut isumaqatigiissummut killissaliussat Naalakkersuisut aamma danskit naalakkersuisuisa isumaqatigiissutaanniipput, allannguutissatut siunnersuummut nassuiaatini issuarneqarlutik:

”Piginneqataasutut pisinnaatitaaffiit ilanngullugit piginnittuunermut isumaqatigiissut atuuttunngortinneqarpoq, taanna pingaarnertut makkuninnga aalajangersakkanik imaqarpoq: Niuernermi piumasaqaatit ilannguttussaanninnerlu pillugu tunngavigisaq naapertorlugit (i) piginnittuunermut tunngaviit, (ii) itigartitsisinnaatitaaneq, (iii) aqutsisut katitigaanerat, (iv) iluanaarutissatut naatsorsuutigisinnaasat, (v) piginneqataassutsit aqutsisullu katitigaanerisa allanngornerat, (vi) paasissutissat ingerlaarnerat, (vii) saqitsaannernik aaqqiissuteqarneq, (viii) susassaqaqatit allallu akornanni pissutsit.”

Taamaallilluni immikkoortoq 4 –”pisarsiassanut naatsorsuutigineqartut”, tassaavoq immikkoortoq inuiaqatigiit aningaasaqarneranni naatsorsuinernut attuumassuteqartoq. Sakkortuumik pissarsiassanut politikimik ingerlatsisoqassanngitsoq, taamaattoq Kalaallit Airports A/S-ip siunertanut nassuiaatinik naammassinninnissamut periarfissaannut akornusiisussaammat, Finansministereqarfik danskit naalakkersuisui sinnerlugit isumaqatiginninniartartoq paaseqatigineqartoq, Naalakkersuisut Siulittaasuata Naalakkersuisoqarfiata Ineqarnermut Attaveqatigiinnermullu Naalakkersuisoqarfik ilisimatippaa.

Air Greenland-ip utertillugu pisiarineqarnissaa naatsorsuineri ilanngunneqarpat, nunap karsiani aningaasaqarneq qanoq isikkoqassava?

Akissut: Naalagaaffiup aamma SAS-ip aktier i Air Greenland-imi aktiaataasa utertillugit pisiarineqarnerat, pisineri nuussinernut tunngatillugu nunap karsianut sunniuteqartussaannngilaq, tassami nuussineq taamaattoq ingerlatseqatigiiffiup nammineerluni aningaasalersortussaammagu. Taamaattoq tamatuma kingunerisaanik ingerlatseqatigiiffik ukiorpassuarni annertunerusumik akiitsoqalertussaavoq, kisianni kiitsisitigut paasissutissaatiminnik naammassinnissalluni.

Periaaseq suna inerniliussanut atornerqarpa? Isertitat, aningaasartuutit, ilaasut tunngavigineqartut?

Akissut: Inuiaqatigiit aningaasaqarnerannut sunniutaasussanik nalilersuinerit Deloitte-mit ulloq 19. oktober 2018 saqqummiunneqartut innersuussutigineqarput.

Inuiaqatigiit Aningaasaqarnerannut sunniutaasussanik nalilersuineri Alloriarneq 2-mi paasissutissat eqikkarneqartut tamanut saqqummiunneqarsinnaappat?

Akissut: Naamik. Paasissutissat eqikkarneqartut taakkua tamanut saqqummiunneqarnerat neqeroortitsineri unammilleqatigiinnermi ilaasussanut ajoqusiisussaavoq, taamaallillunilu sanaartornermik suliassat Kalaallit Nunaannut akisunerulernerannut pisoqataasinnaalersinnaallutik, tamannalu arlaataluunniit orniginngilaa. Tamatuma saniatigut ”IIA2018-imi imm. 21-p siullermeerneqarnerani


apeqqutitut allakkatigut akissuteqaa' 14. juni 2018-imeersoq, Inatsisartut nittartagaanniittoq, innersuussutigineqarpoq.

Taamaattoq eqikkaanertaqanngitsumik nalunaarusiaq tamakkiisuutillugu Inatsisartut Aningaasaqarnermut Akileraartarnermullu Ataatsimiititaliaannut tunniunneqareerpoq.

Naalagaaffimmut isumaqatigiissut pillugu apeqqut Naalakkersuisut Siulittaasuannut apeqqutigeqquneqarpoq.

Kangerlussuarmi Mittarfiup Illersornissaqarfimmit aamma Amerikamiut Sakkutooqarfiinit atorneqarnera pillugu isumaqatigiissummut apeqquteqaatit, Nunanut Allanut Naalakkersuisumut apeqqutigeqquneqarput.

Inussiarnersumik inuulluaqqusillunga


Simon Simonsen



Inatsisartut Aningaasaqarnermut Akileraartarnermullu Ataatsimiititaliaa ulloq 11. oktober 2018

Allannguutissatut siunnersuut uunga:

Nuummi aamma Ilulissani nunanit tamalaanit mittarfiit kiisalu Qaortumi nunap immikkoortuani mittarfiup sananeqarnissaannut, ingerlanneqarnissaannut aningaasalersorneqarnissaannullu killiussatut piumasaqaatit pillugit Inatsisartut inatsisissaattut siunnersuut

- *Inatsisit teknikkitaannik saqqummiineq Naalakkersuisoq Simon Simonsen*





”Danskít Kalaallít Nunaanni mittarfiit pillugit suliniummút tunniusimanissaat
aamma Kalaallít Nunaat Danmarkilu inuussutissarsiornermi
suleqatigiinnerunissaat

pillugit

Danskít naalakkersuisuisa aamma Naalakkersuisut isumaqatigiissutaat”

--000000--

Toqqaannartumik sunniutaasussat:

- Kalaallít Airports A/S-imik piginnittuunermi allannguutit
- Suliassanut aningaasaqarnikkut sunniutaasussat allanngornerat

Takussutissiaq – allannguutissatut siunnersuut



NAALAKKERSUISUT

GOVERNMENT OF GREENLAND

Inatsimm i §	Allannguutissatut siunnersuut	Imm.	Oqaaseqaat
1	Aap	Imm. 2 aamma imm. 3 nutaaq	Danskít piginneqataaleranni ingerlatseqatigiiffup aaqqissugaanerata erseqqissarneqarnera
2	Naamik		
3	Naamik		
4	Naamik		
5	Naamik		
6	Aap	Imm. 2 aamma 3	Danskít naalakkersuisuisa aktiani aningaasaatinut akiliuteqarnissaanut kiisalu aktiaallitlut pisinnatitaafeqalermisnaanup piginnaatitissut
Ny §	Aap	imm. 1	§ immikkoortoq nutaaq Nuummi aamma Ilulissani aallarniutitut akiliuteqarnissamut tunngasooq – siusinnerusukkut § 6 imm. 4.
7	Naamik		
8	Naamik		
9	Naamik		
10	Naamik		
11	Aap	Imm. 1. litra 1, 2 aamma 3	Peqqinnissamut tunngasut pisarinnerulersinneqarnerat. Peqqissutimut inatsimmi pitsaanerusumi isumagineqassapput.
12	Naamik		
13	Naamik		
14	Naamik		
15	Naamik		
16	Naamik		
17	Naamik		
18	Naamik		
19	Naamik		
20	Aap	Imm. 2.	Naqissusiinermut akitsuutit erseqqissarneqarnerat, takuuk aallarniutitut akiliuteqarnissaq pillugu §-imi nutaarni allannguutit.
21	Aap	Imm. 1.	Atuutillernera – akuerineqarnerani atuutillissasooq erseqqissaaneq.

Kapitali 1

Kapitali 2

Kapitali 3
Aningaasalersuineq

Kapitali 4
Negeroortisineq
aamma
atorfinitsiisiner
tunngasut

Kapitali 5

Kapitali 6

Kapitali 7

Kapitali 8

Kapitali 9

Kapitali 10



§1

Imm. 2 allangortinneqartoq aamma imm. 3 nutaaq

- Ingerlatseqatigiiffiit immikkoortortaarfiusut Kalaallit Airports A/S-imit 100 %-imik pigineqartuussasut, maannakkut piumasaqaataajunnaarpoq.
 - Nuummut aamma Ilulissanut ingerlatseqatigiiffik immikkoortortaarfiusoq arlalinnik piginnittoqarsinnaavoq, ilanngullugulu naalagaaffik.
 - Imm. 3-imi Kalaallit Airports A/S nassuiarneqarpoq, taamaalilluni aalajangersakkat sinnerini ”ingerlatseqatigiiffiit immikkoortortaarfiusut” allanneqassanani.
- ❖ § 1, imm. 2 imatut oqaasertalerneqarpoq: ”Imm. 2. Kalaallit Airports A/S-ip suliassat imm. 1-imi pineqartunut ilaasut ingerlatseqatigiiffinni immikkoortortaarfiusuni ataatsimi arlalinniluunniit isumagisinnaavai. Namminersorlutik Oqartussat suliassat imm. 1-imi pineqartunut ilaasut isumagineqarnissaannut ingerlatseqatigiiffinnik piginnittunik imaluunniit ingerlatseqatigiiffinnik suleqatigisanik pisariaqartunik 100 %-imik pigineqartunik pilersitsisinnaapput.”
- ❖ Imm. 3-tut ikkunneqarpoq: ”Imm. 3. Inatsimmi aalajangersakkani allani Kalaallit Airports A/S-imi taamatuttaaq suliassat imm. 1-imi pineqartunut ilaasut isumagineqarnissaannut ingerlatseqatigiiffiit immikkoortortaarfiit piusinnaasut pineqartunut ilaapput.”

§1

Suut nutaajuppat? Tungujortumik allassimasut.




- § 1. Inatsisartut inatsisaanni Nuummi Ilulissanilu nunani tamalaani mittarfiit kiisalu Qaortumi nunap immikkoortuani mittarfiup sananeqarnissaannut, aningaasalersorneqarnissaannut ingerlanneqarnissaannullu Kalaallit Airports A/S-imut sinaakkutissatut piumasaqaatit aalajangersarneqarput, taamaattoq takuuk § 3, imm. 2.
- Imm. 2 pisogaq peerneqarpog:
- imm. 2. Kalaallit Airports A/S suliassat imm. 1-imi pineqartunut ilaasut isumaginissaannut ingerlatseqatigiiffimmik immikkoertortamik-ataatsimik arlalinnilluunniit 100%-imik pigineqartumik pilersitsisisinnaavoq.
- Imm. 2 nutaag :
- imm. 2. Kalaallit Airports A/S-ip suliassat imm. 1-imi pineqartunut ilaasut ingerlatseqatigiiffinni immikkoortortaqarfusuni ataatsimi arlalinniluunniit isumagisinnaavai. Namminersorlutik Oqartussat suliassat imm. 1-imi pineqartunut ilaasut isumagineqarnissaannut ingerlatseqatigiiffinnik piginnittunik imaluunniit ingerlatseqatigiiffinnik suleqatigisanik pisariaqartunik 100 %-imik pigineqartunik pilersitsisisinnaapput.
- Imm. 3 nutaag:
- imm. 3. Inatsimmi aalajangersakkani allani Kalaallit Airports A/S-imi taamatuttaaq suliassat imm. 1-imi pineqartunut ilaasut isumagineqarnissaannut ingerlatseqatigiiffiit immikkoortortaqarfiit plusinnaasut pineqartunut ilaapput

§1


Ingerlatsiviup ilusaa



Isumaqaqtiigiissut sioqqullugu:



Isumaqaqtiigiissutip kingorna:



§6

Imm. 2 aamma 3 allangortinneqarput



- Imm. 2-imi naalagaaffiup Nuummi aamma Ilulissani 700 mio. koruuninik aktiannorlugit aningaasaliinissaanut Naalakkersuisut piginnaatinneqarput.
- Imm. 3-imi Naalakkersuisut danskit naalakkersuisuinut aktiaatilittut pisinnaatitaaffeqarnissaq pillugu piginnittut isumaqatigiissutaannik isumaqatigiissuteqarnissamut piginnaatinneqarput. Isumaqatigiissutissaq aalajangersimasoq taanna Naalakkersuisut Siulittaasuata Naalakkersuisoqarfiaata aamma Aningaasaqarnermut ministereqarfiup akornanni isumaqatiginninniutigineqassaaq.
- ❖ § 6 imatut oqaasertalernerqarpoq:
 - ❖ Imm. 2. Aningaasaatinut qaffaatissat ataatsikkut akilerlugit 2,1 mia. koruunit tikillugit aningaasaatinut aningaasaliinissamut Naalakkersuisut atsiornersigut aammalu § 01 mailillugu aallarniutitut akiliuteqarnikkut, pisinnaavoq. Tamatuma saniatigut Naalakkersuisut 0,7 mia. koruunit tikillugit naalagaaffik Kalaallit Airports A/S-imi Nuummi aamma Ilulissani nunanit tamalaanit mittarfiit sanaartorneqarnissaannut ingerlanneqarnissaannullu ingerlatseqatigiiffimmi immikkoortotaqarfiusumi aningaasaatinut qaffaatissanik ataatsikkut akilerlugit atsiortinnissaanut piginnaatinneqarput.
 - ❖ Imm. 3. Naalakkersuisut Kalaallit Airports A/S-mi Nuummi aamma Ilulissani nunanit tamalaanit mittarfiit sanaartorneqarnissaannut ingerlanneqarnissaannullu ingerlatseqatigiiffimmi immikkoortotaqarfiusumi aktiaatilittut pisinnaatitaaffiit pillugit danskit naalakkersuisuinut piginnittut isumaqatigiissutaannik isumaqatigiissuteqarnissamut piginnaatinneqarput.

§6

Suut nutaajuppat? Tungujortumik allassimasut




- § 6. Naalakkersuisut Kalaallit Airports A/S-imi aktianut aningaasaatinik ataasarlutik arlaleriarlutiilluunniit qaffaanissamut piginnaatinneqarput.
- Imm. 2 annertusineqartog:
- Imm. 2. Aningaasaatinut qaffaatissat ataatsikkut akilerlugit 2,1 mia. koruunit tikillugit aningaasaatinut aningaasaliinissamut Naalakkersuisut atsiornersigut aammalu § 01 maililugu aallarniutitut akiliuteqarnikkut, pisinnaavoq. Tamatuma saniatigut Naalakkersuisut 0,7 mia. koruunit tikillugit naalagaaffik Kalaallit Airports A/S-imi Nuummi aamma Ilulissani nunanit tamalaanit mittarfiit sanaartorneqarnissaannut ingerlanneqarnissaannullu ingerlatseqatigiiffimmi immikkoortortaqarfiusumi aningaasaatinut qaffaatissanik ataatsikkut akilerlugit atsiortinnissaanut piginnaatinneqarput.
- Imm. 3 nutaag:
- Imm. 3. Naalakkersuisut Kalaallit Airports A/S-mi Nuummi aamma Ilulissani nunanit tamalaanit mittarfiit sanaartorneqarnissaannut ingerlanneqarnissaannullu ingerlatseqatigiiffimmi immikkoortortaqarfiusumi aktiaatittut pisinnaatitaaffiit pillugit danskit naalakkersuisuinut piginnittut isumaqatigiissutaannik isumaqatigiissuteqarnissamut piginnaatinneqarput.
- Imm. 3 aamma 4 pisoqqat § 01-imut nutaamut nuunneqarput:

§6

Aningaasalineq



NAALAKKERSUISUT
GOVERNMENT OF GREENLAND



Kilde: Departementet for Finanser og Skatter, Kalaallit Airports A/S

§ 01 nutaaq

- §-normu kingusinnerusukkut § 7-nngorlugu allanneqassaaq – §§-it tulliuuttut normulersorneqarnerat Inatsisartut Allattoqarfiani ataatsikkut sunniutaasutut iluarsineqassapput.

- §-imi nutaami imm. 1-imi sanaartukkat pioreersut nalingannik suliarinninnissamut periarfissaqarnera erseqqissarneqarpoq.

- Nuuk aamma Ilulissat pillugit ingerlatseqatigiiffiup immikkoortoqarfiusup pigineqarnera maannakkut Namminersorlutik Oqartussat aamma naalagaaffiup akornanni avinneqassaaq. Ingerlatseqatigiiffiup immikkoortoqarfiusup nalinga aallarniutit akiliuteqarnermut sunniissasoq naatsorsuutigineqarmat, tamanna piginnittuunerup agguarneqarneranut sunniuteqarsinnaavoq. Taamaattumik sanaartukkat pioreersut nalingisa taarsigassarsiaritatut tunniunneqarsinnaanerat maannakkut periarfissaalerpoq, tassami tamanna naalagaaffiup piginneqataassutaanut saniliullugu nammineq aningaasaatinut Namminersorlutik Oqartussat piginneqataassutaannik annertusititsisussaangimmat.

- ❖ **§ 6 kingorna paragraffitut nutaatut ikkunneqarpoq:**

- ❖ ”§ 01. Naalakkersuisut isumaqatigiissuteqarnikkut imaluunniit aallarniutit akiliuteqarnikkut Nuummi aamma Ilulissani Namminersorlutik Oqartussat mittarfii pioreersut tunniussinnaavaat, ilanngullugit pigisat aalaakkaasut aamma teknikkikkut atortut imaluunniit taakkua ilai kiisalu Kalaallit Airports A/S-mi Nuummi aamma Ilulissani nunanit tamalaanit mittarfiiit sanaartorneqarnissaannut ingerlatseqatigiiffimmi immikkoortoqarfiusumi nunaminertanut pisinnaatitaaffiit. Pisinermi akigitassaasinnaasoq Namminersorlutik Oqartussat Kalaallit Airports A/S-imi Nuummi aamma Ilulissani nunanit tamalaanit mittarfiiit sanaartorneqarnissaannut ingerlanneqarnissaannullu ingerlatseqatigiiffimmut immikkoortoqarfiusumut taarsigassarsititsinerisigut uppernarsarneqarsinnaavoq.”

§ 01 nutaaq

Suut nutaajuppat? Tungujortumik allassimasut.



- Pisogaq peerneqartog:
- Imm. 3. Tamatuma saniatigut Naalakkersuisut Namminersorlutik Oqartussat Nuummi aamma Ilulissani mittarfuiutaasa aallarniutitut aningaasaliinissamut atorneqarnissaannik atsiornermikkut aningaasaatinik qaffaassapput, ilanngullugit pigisat aalaakkaasut aamma teknikimut atorlut taakkuluunniit ilai, kiisalu nunaminertanut pisinnaatitaaffiit taakkununga atasut.
- Imm. 4. Aallarniutitut akiliuteqarnermi, takuuk imm. 3, Kalaallit Airports A/S-ip pigisani aalaakkaasuni tiguneqartuni nunami mingutsitsinerusinnaasumut, piffissaq tigussiffiusoq sioqqullugu pisimasumut, akisussaaffik tigussanngilaa. Namminersorlutik Oqartussat Kalaallit Airports A/S pisussaaffiujunnartunut aningaasartuutaajunnartunullu tamatuma malitsiginnaasaannut pisussaatisanngilaa.
- Nutaaq:
- § 6 kingorna paragraffitut nutaatut ikkunneqarpoq:
- § 01. Naalakkersuisut isumaqatigiissuteqarnikkut imaluunniit aallarniutitut akiliuteqarnikkut Nuummi aamma Ilulissani Namminersorlutik Oqartussat mittarfii pioreersut tunniussinnaavaat, ilanngullugit pigisat aalaakkaasut aamma teknikikkut atorlut imaluunniit taakua ilai kiisalu Kalaallit Airports A/S-mi Nuummi aamma Ilulissani nunanit tamalaanit mittarfiiit sanaartorneqarnissaannut ingerlanneqarnissaannullu ingerlatseqatigiiffimmi immikkoortotaqarfiusumi nunaminertanut pisinnaatitaaffiit. Pisinermi akigititassaasinnaasoq Namminersorlutik Oqartussat Kalaallit Airports A/S-imi Nuummi aamma Ilulissani nunanit tamalaanit mittarfiiit sanaartorneqarnissaannut ingerlanneqarnissaannullu ingerlatseqatigiiffimmut immikkoortotaqarfiusumut taarsigassarsitsitinerisigut uppersarsarneqarsinnaavoq.
- Nunami mingutsitsineq pillugu aalajangersagaq peerneqarpoq, tassami tamatuma tunniussinermut isumaqatigiissummi isumagineqarnissaa naleqqunnersassaoq naliliisoqarmat.

§11

Allatut allanneqarpoq – paasiuminernerulersinneqarluni



- Imarisai maannakkut immikkoortunit 6-niit 3-nut ikilineqarput.
 - Allanguutini peqqissutsimut tunngasut annertuumik aalajangersakkani erseqqissarneqarput. Siusinnerusukkut immikkut aalajangersakkat peqqissutsimut suliassaqarfimmi inatsimmi naleqqunerusumik iliuseqarfigneqassapput.
 - Taamaalillutik iliuksissat pisussat sanaartugassarpianut taakkunungaanaq tunngasuussanngillat, kisianni atitunerusumik naleqqunerusumillu killissaliisuussallutik.
-
- ❖ **§ 11, imm. 1 imatut oqaasertalernerqarpoq:**
 - ❖ ”Sulisitsisup illuliornermik sanaartornermillu suliqaqnermi illuliornermi sanaartornermilu sulisunik nunanit allaneersunik § 8, imm. 1-imi pineqartunut ilaasunik sulisoqartup isumaqatigiissummi makkuninnga pisussaaffeqarnissaa, Kalaallit Airports A/S-ip qulakkiissavaa:
 - ❖ 1) Sulitilluni ajoqusernissamut sillimmasiissummut aamma inuussutissarsiorluni napparsimalernissamut sillimmasiissummut inatsimmi pisussaaffiliussamut sillimmasiissanissaa aningaasartuutinillu akiliinissaa.
 - ❖ 2) Illuliornermi sanaartornermilu sulisunik nunanit allaneersunik, peqqinnissaqarfiup sullississutai pillugit inatsit sukulluunniit atuuttoq maililugu akeqanngitsumik sullinneqarnissamut pisinnaatitaanngitsunik, napparsimasunik ajoqusersimasunillu aallarussinissamut, assartuussininissamut katsorsaaniissamullu aningaasartuutinut matussutissanik sillimmasiissummut sillimmasiinissaq aningaasartuutinillu akiliinissaq.
 - ❖ 3) Illuliornermi sanaartornermilu sulisut nunanit allaneersut, § 8, imm. 1-imi pineqartuni illuliornermik sanaartornermillu suliqaqnermi sulisorineqarunnaarpata, Kalaallit Nunaannit aallarnissaasa qulakkeernissaa taakkunungalu aningaasartuutinik akiliinissaq.

§11

Suut peerneqarpat? Qorsummik allassimasut.



- § 11. Sulisitsisup illuliornermik sanaartormermilu suliqaarnermi illuliornermi sanaanortormilu sulisunik nunanit allaneersunik § 8, imm. 1-imi pineqartunut ilaasunik sulisoqartup isumaqatigiissummi makkuninnga pisussaaffeqarnissaa, Kalaallit Airports A/S-ip qulakkiissavaa:
- 1) Sulitilluni ajoqusernissamat sillimmasiissummut aamma inuussutissarsiorluni napparsimalernissamat sillimmasiissummut inatsimmi pisussaaffiliussamat sillimmasiisimanissaa aningaasartuutinilu akiliinissaa. Sulisitsisup sillimmasiissummut sillimmasiisissamat aningaasartuutinilu akiliinissamat pisussaaffeqarnera, atorfinitsitsinermi isumaqatigiissummi allassimassaaq.
- 2) Illuliornermi sanaartormermilu sulisunik nunanit allaneersunik napparsimasunik ajoquserimasunilu aallarussinissamat, assartuussinissamat katsorsaanimullu aningaasartuutit akilernissaannut isumannaallisaatitut sillimmasiissummut sillimmasiisissaq aningaasartuutinilu akiliinissaq. Sulisitsisup sillimmasiissummut sillimmasiisissamat aningaasartuutinilu akiliinissamat pisussaaffeqarnera, atorfinitsitsinermi isumaqatigiissummi allassimassaaq.
- *Nutaaq 2*) Illuliornermi sanaartormermilu sulisunik nunanit allaneersunik, peqqinnissaqarfiup sullississutai pillugit inatsit sukkulluunniit atuuttoq malillugu akeqanngitsumik sulinneqarnissamat pisinnaatitaanngitsunik, napparsimasunik ajoquserimasunilu aallarussinissamat, assartuussinissamat katsorsaanimullu aningaasartuutinut matussutissamik sillimmasiissummut sillimmasiisissaq aningaasartuutinilu akiliinissaq.
- 3) Illuliornermik sanaartormermilu suliqaarnerit aallartinneqarnissaat sioqqullugu peqqinnissaqarfimmit sulinneqarnissap tamatumunngalu akiliutissap annertussusissaanut tunngatillugu Peqqissutsimut Naalakkersuisoqarfimmut isumaqatigiissuteqarneq.
- 4) Piumasagaatinut Kalaallit Nunaanni peqqinnissamat oqartussanit aalajangersagaasunut naapertuuttumik illuliornermi sanaartormermilu sulisut nunanit allaneersut peqqissusaasa misissorneqarnerisa misissoqqissaarneqarnerisalu ingerlanneqarnerat.
- 5) 3) Illuliornermi sanaartormermilu sulisut nunanit allaneersut, § 8, imm. 1-imi pineqartuni illuliornermik sanaartormermilu suliqaarnermi sulisorineqarunnaarpata, Kalaallit Nunaannit aallarnissaasa qulakkeernissaa taakkununngalu aningaasartuutinik akiliinissaq.
- 6) Peqqinnissamat ilinniarsimasunik sullivinni imaluunniit sullivup eqqaaniittoqarnissaa qulakkeerlugu, tassani napparsimanermi ajoqusernermilu peqqinnissaqarfimmit naammattumik naleqquttumilu sulinneqarnissaq qulakkeerneqassalluni.
- Imm. 2. Naalakkersuisut illuliornermi sanaartormermilu sulisut nunanit allaneersut peqqissusaannut, ilanngullugu misissorneqarnerinut uppersaasaaisarnerinullu, maleruagassanik aalajangersaasinnaapput.

§11

Naalackersuisoqarfiit akimorlugit oqaloqatiginneq 1/2



- Naalackersuisut Siulittaasuata Naalackersuisoqarfiata, Aningaasaqarnermut Naalackersuisoqarfiup, Peqqissutsimut Ilisimatusarnermullu Naalackersuisoqarfiup, kiisalu Ineqarnermut Attaveqatiginnermullu Naalackersuisoqarfiup akornanni Naalackersuisoqarfiit akimorlugit makkua oqaluuserineqarput:
- Litra 1) Peerneqarpog:
- ” Sulisitsisup sillimmasiissummut sillimmasiissamut aningaasartuutinillu akiliinissamut pisussaaffeqarnera, atorfinitsinermi isumaqatigiissummi allassimassaaq.”
- Inatsissatut siunnersuummi tassani pisussaaffeqarneq sumiissanersoq allassallugu naleqqutinngilaq.
- Litra 2) Allatut oqaasertalerneqarpog:
- Oqaaseqatigiit Peqqissutsimut Ilisimatusarnermullu Naalackersuisoqarfirmmit, naleqqunnerusumik oqaasertalerlugit, allatut oqaasertalerneqarpog.
- Litra 3) Peerneqarpog:
- ” Illuiojernik sanaartornemillu suliqaamerit aallartinneqarmissaat sioqqullugu peqqinnissaqarfimmit sullinneqarmissap tamatumunngalu akiliutissap annertussusissaanut tunngatillugu Peqqissutsimut Naalackersuisoqarfimmut isumaqatigiissuteqarneq.”
- Aningaasaqarnermut Naalackersuisoqarfiup aamma Peqqissutsimut Ilisimatusarnermullu Naalackersuisoqarfiup isumaqatigiissutigaat peqqinnissaqarfiup sullissinerani aningaasaqarnermut tunngassuteqartut pitsaannerusumik Aningaasanut inatsimmi iliuuseqarfigineqassasut, aammalu inatsimmi immikkoortumi tamanna pissanngitsooq.

§11

Naalakersuisoqarfii akimorlugit oqaloqatigiinneq

2/2



- Litra 4) Peerneqarpog:
- *"Piumasaqaatinut Kalaallit Nunaanni peqqinnissamut oqartussanit aalajangersagaasunut naapertuuttumik iluliomerni sanaartormernilu sulisut nunanit allaneersut peqqissusaasa misissorneqarnerisa misissoqqissaarneqarnerisalu ingerlanneqarnerat."*
- Misissuinissaq suliassamut tassungaannaq tunngatinneqartariaqanngilaq, kisianni atitunerusunut atuuttariaqarluni. Tamanna Peqqinnissaqarfimmut pingaaruteqarpoq. Taamaattumik tamanna peqqissutsimut inatsissami qaqinneqassaaq.

- Litra 6) Peerneqarpog:
- *"Peqqinnissamut ilinniarsimasunik sullivinni imaluunniit sullivup eqqaaniittoqarnissaa qulakkeerlugu, tassani napparsimanermi ajoqusermernilu peqqinnissaqarfimmit naammattumik naleqquttumillu sullinneqarnissaaq qulakkeerneqassalluni."*
- Tunngavilersuutaqqaartoq suliassanut angisuunut inatsimmik najoqutaqarpoq. Suliaasat illoqarfimmut qanittumiimata, tamatumunnga taarsiullugu tatisimanninneq najukkami peqqinnissaqarfimmi atortorissaarutiniinneqassaaq. Aningaasaqarnikkut ajornakusoorutaasinnaasut Aningaasanut inatsimmiitinneqarunik pitsaanerusaaq.

- imm. 2. Peerneqarpog:
- *"Naalakersuisut iluliomerni sanaartormernilu sulisut nunanit allaneersut peqqissusaannut, ilanngullugu misissorneqartarnerinut uppemarsaasiisarnerninullu, maleruagassanik aalajangersaasinnaapput."*
- Tamanna peqqissutsimik misissuineranut, peerneqartunut, attuumassuteqarpoq, takuuk litra 4 peerneqarpoq. Tamanna peqqissutsimut inatsimmiitinneqarpat naleqqunnerusaaq.

§20

Imm. 2 allangortinneqartoq.



- § 20 akiliuteqarnissamut tunngatillugu § 01-imi nutaami allannguutininut sanilliullugu erseqqissarneqarpoq.
- Innersuussut § 01-imit nutaamut sunniutaasumik iluarsineqarpoq.
- Ineqarnermut Attaveqaqatigiinnermullu Naalackersuisoqarfiup piaartumik allannguutissatut siunnersuummut naqqiut nassitissavaa. §-imi nutaami ”imm. 2.”-imut innersuussineq kukkusuuvoq.
- ❖ **§ 20, imm. 2 imatut oqaasertalerneqarpoq:**
- ❖ **”Imm. 2. Naqissusiisussaanginnermut aamma allagaatit taarsigassarsinnermullu uppennarsaatit il.il. pigisanik naliinnik § 01, ~~imm. 2.~~ ~~mi~~-pineqartunut ilaasunik Kalaallit Airports A/S-imit tunniussinnermut atatillugu suliarineqartut, ilaatinneqarput.”**

§21

Imm. 1 allangortinneqartoq.




- Siunnersuutigineqarpoq siunnersuut akuerineqarnermini atuutilissasoq, taamaaillunilu suliassat pisariaqanngitsumik kinguaattoornertaqanngitsunik ingerlateqqinneqarsinnaalissallutik.
- Ineqarnermut Attaveqaaqatigiinnermullu Naalakkersuisoqarfiup allannguutissatut siunnersuummut naqpiut piaartumik nassitissavaa. Ulloq aalajangersimasoq allannagu, tamatumunnga taarsiullugu allanneqassaaq: ”akuerineqarnermini”.
- ❖ **§ 21 imatut oqaasertalerneqarpoq:**
- ❖ **”§ 21. Inatsisartut inatsisaat manna ulloq 22. oktober 2018 atuutilerpoq.”**
- ❖ **§ 21 imatut oqaasertalerneqarpoq :**
- ❖ **”§ 21. Inatsisartut inatsisaat manna akuerineqarnermini atuutilerpoq.”**



Aningaasaqarnikkut sunniutaasussat



Aningaasaqarnikkut sunniutaasusaaqqaartut:



Allannguutissatut siunnersuummi sunniutaasussat:





Aningaasaqarnikkut sunniutaasussat

Tunngavigisat

- Isumaqatigiissutip inuiaqatigiit aningaasaqarnerannut sunniuteqarnissaa, danskit naalakkersuisuisa aamma Naalakkersuisut akornanni piginnittut isumaqatigiissutissaata/aktiaatillit isumaqatigiissutissaata imarisassaannut tunngatilugu tunngavigisat arlallit tunngavigalugit naatsorsorneqarput.
- Kalaallit Airports A/S-imit Namminersorlutik Qortussanut pissarsiarititassatut naatsorsuutigineqqaartut 33 %-ii naalagaaffimmuut agguagarisariitinneqassapput.
- Aningaasalersuinermut aningaasartuutini sipaarutissat tamarmik atuisut akiliutaasa appartinnissaannut atorneqassapput.
- Inuiaqatigiit aningaasaqarneranni misissueqqissaarnermi periaatsimut naapertuuttumik naatsorsuutigineqarpoq imarpik quilaallugu timmisartunut mittarfinni atuisut 51 %-ii tassaasut "inuiaqatigiinnut tunngassuteqartut" (ilaasut Kalaallit Nunaannut atassuteqartut). Taamaattumik aningaasalersuinermut aningaasartuutini sipaarutissat taamaallaat 51 %-ii, inuiaqatigiit aningaasaqarneranni misissueqqissaarnermi ilaatinneqarsinnaapput.
- Sinneruttut 49 %-it tassaapput takornariat aamma suilllutik angalasut, toqqaannartumik Kalaallit Nunaannut atassuteqanngitsut, taamaattumillu naatsorsuinermi ilaatinneqaratik.
- Nuummi aamma Ilulissani mittarfiit pioreersut nalingat ilisimaneqanngimmat, taakkua nalingat naatsorsuinermi 0 koruuniusoq naatsorsuutigineqarpoq.
- Deloitte ulloq 18. oktobari maanga aggettussaavoq, aammalu ataatsimiititaliamut inuiaqatigiit aningaasaqarneranni naatsorsuinerit nutaat saqqummiunnissaannut periarfissaqarluni.